

Aquifer Open Bible Dictionary

This work is an adaptation of Tyndale Open Bible Dictionary © 2023 Tyndale House Publishers, licensed under the CC BY-SA 4.0 license. The adaptation, Aquifer Open Bible Dictionary, was created by Mission Mutual and is also licensed under CC BY-SA 4.0.

(عربي), This resource has been adapted into multiple languages, including English, Tok Pisin, Arabic, French (Français), Hindi (हिंदी), Indonesian (Bahasa Indonesia), Portuguese (Português), Russian (Русский), Spanish (Español), Swahili (Kiswahili), and Simplified Chinese (简体中文).

م

- وصية يسوع بعد القيامة بالمعمودية
- المعمودية في الكنيسة الأولى
- الفكر اللاهوتي عن المعمودية في رسائل بولس وبطرس

المسيح

دا لقب رسمي اتقال عن يسوع في العهد الجديد. ببدل على منصبو كمخلّص ممسوح، وببشير لمؤهلّاتو الروحية في إنقاذ شعبو. الكلمة جاية من الكلمة اليونانية «كريستوس»، وهي ترجمة للكلمة العبرية «المسيّا» (شوف (يوحنا ١: ٤١)). الاسمين ديل جاين من فعل معناهو «يُمسَح بزيت مقدس»، وكمصطلحات، معناهو: «الممسوح». ولما نستخدم اللقب دا لي يسوع، بنكون بنعلن إيماننا إنو عُيّن من الله رسمياً وأخذ دور إلهي مخصوص عشان يتم مهمة الخلاص.

في العهد الجديد، اللقب دا «المسيح» بيحي مع اسم يسوع، زي ما بنلقى في: «يسوع المسيح» (متّى ١: ١؛ مرقس ١: ١؛ رومية ١: ٤، رومية ١: ١)، أو مرات بيحي معكوس: «المسيح يسوع» (١ كورنثوس ١: ١). كمان بيحي أحياناً مع أداة التعريف «ال»، زي في (رومية ٧: ٤)، أو بيبكون مرتبط بلقب ثاني زي «الرب»، مثلاً: «ربنا يسوع المسيح» (رومية ١٦: ١٨). وفي مرات، بيستخدم لقب «المسيح» لوحدهو كأنو هو الاسم أو اللقب المفضل ليسوع، زي ما في (يوحنا ٢٠: ٣١؛ رومية ١٥: ٣؛ عبرانيين ٦: ٣؛ ٥: ٥؛ ١ بطرس ١: ١١، ١٩).

الأناجيل بتصور يسوع إنو قبل بلقب المسيّا بتواضع، وما كان بيطلب المجد لنفسو. معموديتو بتفهم على إنها مسحة لثلاثة مناصب: النبي، الكاهن، والمملك. لما يوحنا (اللي هو إيليا الجديد بحسب متّى ١١: ١٤) عمّد يسوع، يسوع استقبل انسكاب الروح القدس، واتلقى تقويض مباشر من الله عشان يبدأ خدمتو (متّى ٣: ١٦-١٧). يوحنا ذاتو أنكر إنو هو المسيح، لكن بطريقة غير مباشرة عرّف يسوع إنو هو المسيّا (يوحنا ١: ٢٠؛ لوقا ٣: ١٤-١٧). التلاميذ الأوائل مشوا ورا يسوع لأنهم عرفوا إنو هو المسيّا (يوحنا ١: ٤١). الشياطين ذاتها عرفت يسوع وقالت: «قدّوس الله» (مرقس ١: ٢٤؛ قارن متّى ٨: ٢٩). الجموع كانوا شايفين فيهو نبي، زي موسى الجديد (يوحنا ٦: ١٤، ٢٢). لكن أول ما عرفوا إنو مملكته روحية وما سياسية، خلوه ومشوا (آية ٦٦). لكن التلاميذ الاثنا عشر فضلوا معاه، وقالوا: «وَنَحْنُ قَدْ آمَنَّا وَعَرَفْنَا أَنَّكَ أَنْتَ الْمَسِيحُ» (يوحنا ٦: ٦٩). وأكثر اعتراف واضح وجريء طلع من بطرس، واعترف بيهو يسوع على إنو إعلان من الله: «أَنْتَ هُوَ الْمَسِيحُ ابْنُ اللَّهِ الْحَيِّ!» (متّى ١٦: ١٦). وفي النهاية، السبب الأساسي في محاكمة يسوع وإدانته كان إنو قال عن نفسو إنو هو المسيح (متّى ٢٦: ٦٣-٦٤، ٦٨؛ ٢٧: ١١، ١٧، ٢٢، ٢٧).

واحدة من الحاجات المهمة في الكرازة المسيحية الأولى كانت الإعلان إنو يسوع هو المسيح (أعمال الرسل ٢: ٣٦؛ ٣: ١٨-٢٠؛ ٩: ٢٢؛ ٢٨: ٢٣، ٣١). والإعلان دا هو أقدم اعتراف إيماني (متّى ١٦: ١٦)، وأبسط وأهم نقطة في الإيمان المسيحي (١ كورنثوس ١: ٢٣؛ يوحنا ٥: ١). لأنو بيبأكد إنو يسوع كمسيّا كمل تماماً الدور بتاعو كمسوح: نبي، وكاهن، ومملك، خادماً لله من أجل شعبه (لوقا ٧: ١٦؛ ١ كورنثوس ١٥: ٢٥؛ عبرانيين ٧: ٢٢-٢٨؛ رؤيا ١٩: ١٦).

شاهد أيضاً يسوع المسيح، حياته وتعاليمه المسيح؛ المخلص

المعمودية

الكلمة دي معناها العام «يغمس» أو «ينقع»، لكن بتستخدم لوصف طقوس دينية فيها تطهير رمزي. في العهد الجديد، المعمودية بقت الطقوس البيدخل الزول في جماعة المؤمنين بالمسيح، ومن الناحية اللاهوتية، المعمودية بتعني إنو الزول بموت مع المسيح وبيقوم معاه، يعني بداية حياة جديدة معاه.

نظرة سريعة

- المعمودية يوحنا
- المعمودية يسوع

معمودية يوحنا

يوحنا كان ببشّر بـ«معمودية التوبة لمغفرة الخطايا» (لوقا ٣: ٣). أصل الطقوس البعملو يوحنا صعب نعرفو بالضبط. في ناس قالوا إنو المعمودية دي كانت شبه المعمديات اللي بيمارسوها جماعة قمران، وفي ناس تانيين قالوا إنو كانت شبه الطقوس البيمارسوها اليهود لما زول غير يهودي (أممي) يعتنق اليهودية. جماعة قمران كانوا شايفين نفسهم إنهم جماعة العهد في الأيام الأخيرة، فعشان كدا عاشوا في الصحراء بطريقة متشقة، وكانوا بيغتسلوا يومياً في طقوس طهارة دينية. لكن برضو كانوا بيعلموا إنو لازم التوبة الداخلية ترافق العمل الخارجي (١QS ٢: ٣). الطقوس دا كان عندو طبيعة شبه الأسرار المقدسة، لأنو بس العضو الكامل في الجماعة هو المسموح ليهو يمارسو، ودا بعد سنتين من التجربة (١QS ٥: ٦). أما غير اليهود العايزين يدخلوا في الديانة اليهودية، فكان لازم يعملوا حاجات معينة: يدرسوا التوراة، يختتنوا، وباخذوا عُسل طقسي عشان يطهروا نفسهم من نجاسة خلفيتهم الأممية.

معمودية يوحنا كانت بتشبه بعض أنواع المعمودية، لكن برضو كانت مختلفة عنها في جوانب تانية. أصل المعمودية بتاعو ممكن نلقاهو في طريقة الأنبياء زمان، لما حياتهم كانت بتجسد الرسالة الإلهية، يعني ما بس بيوصلوا الكلام من ربنا، لكن بيعيشوه قدام الناس. معمودية يوحنا كان عندها أبعاد لاهوتية مهمة: (١) كانت مرتبطة بتوبة حقيقية وجذرية، وما كانت بس موجهة للأمم (الناس الغير يهود)، لكن الغريب إنها كانت بتطلب التوبة من اليهود نفسهم، المعاصرين ليهو. (٢) كان عندها طابع أخروي (يعني متعلق بالنهاية)، لأنها كانت بتجهز الناس لمجيء المسيّا، واللي جيعمد بالروح القدس والنار (متّى ٣: ١١). المعمودية دي كانت بتتظر لقدام، ليوم الدينونة، اليوم اللي ربنا حيفرّق فيه بين الأبرار والأشرار (راجع متّى ٣: ١٢). (٣) كانت بترمز للتطهير الأخلاقي، وتجهز الناس عشان يدخلوا في الملكوت الجاي (متّى ٣: ٢؛ لوقا ٣: ٧-١٤). مع إنو في تشابه بين معمودية يوحنا ومعمودية الكنيسة الأولى، ما بنقدر نقول إنهم نفس الحاجة بالضبط. الحقيقة إنو المعمودية اخضت تقريباً من خدمة يسوع. في البداية، يسوع سمح لتلاميذه يعمدوا الناس (يوحنا ٣: ٢٢)، لكن بعد شوية، واضح إنو وقف المعمودية دي (يوحنا ٤: ٣-١)، ويمكن يكون وقفها للأسباب دي: (١) رسالة يوحنا كانت وظيفية، يعني خدمتو كانت بتؤدي غرض محدد، لكن رسالة يسوع كانت شخصية ووجودية، متعلقة بهويتو نفسو كابن الله. (٢) يوحنا كان بينتظر المستقبل، مستني الملكوت الجاي، لكن يسوع كان شايف إنو الملكوت وصل، وكان بيحتفل بيهو في الحاضر. معمودية يوحنا كانت مرحلة مؤقتة، لكن المعمودية المرتبطة بيسوع بقت فريضة في الكنيسة. عشان كدا، يسوع فرّق بين خدمتو وخدمة يوحنا..

معمودية يسوع

نالحدث دا طلع من تفاعل معقد بين دوافع إلهية ودوافع بشرية، وكان نابع من وعي يسوع بنفسو كمسيّا (شوف مرقس ١: ٩-١١ والنصوص الشبيهة). بالنسبة ليوحنا، معمودية يسوع كانت زي ختم تأكيد إنو رسالتو وخدمتو كانت حقيقية وجاية من ربنا. وخدمة يسوع كانت مرتبطة ببناء يوحنا عن قرب مجيء الملكوت. أما بالنسبة ليسوع، فالمعمودية دي كانت زي مسحة إلهية، بتعلن بداية خدمته المسيانية. ودا بيظهر بوضوح في «الصوت السماوي» الانتقال في مرقس ١: ١١ والنصوص التانية الشبيهة، والموضوع دا فيهو جانبين: (١) الصوت أشار لمزمو ٧: ٢، ودا بيبأكد إنو يسوع هو ابن الله بطريقة فريدة وخاصة. (٢) وبرضو أشار لإشعيا ٤٢: ١، واعترف بيسوع إنو هو «عبد يهوه» المنتظر، العبد المسياني. (الموضوع دا حشرحو بتوسع أكثر في المقالة الجاية تحت).

مؤمن، بيقدم طلبتو لله بقلب صادق. المعمودية هي ختم لعهد الخلاص، العهد الاتحادي مسبقاً بواسطة عمل المسيح، وقرار إيمان فردي من الشخص.

وصية يسوع بعد القيامة بالمعمودية

هنا بنلقى الأساس الحقيقي لممارسة الكنيسة للمعمودية (متى ٢٨: ١٩). زي ما ذكر قبل كدا، التلاميذ وقفوا من ممارسة معمودية يوحنا، وعند النقطة دي بنشوف إنو المعمودية اتأسست من جديد كفريضة مبنية على موت المسيح وقيامته. ما بقت طقس بيتطلع للمستقبل، لكن بقت مرتبطة برسالة الإنجيل ذاتها، ومدعومة بالمسيح القائم من بين الأموات وصعد ليبقى السيد على الكون كله. كمان، المعمودية بقت جزء أساسي من عملية التلمذة، ودا باين في استخدام كلمة «عمدوهم» بعد الفعل الرئيسي «تلمذوا». وفي النهاية، بنلاحظ إنو الفعل دا (عمدوهم) بيدل على دخول المؤمن في «اتحاد» (بالمعنى الحرفي: «باسم») مع الثالوث الأقدس.

المعمودية في الكنيسة الأولى

النص في أعمال الرسل ٢: ٣٨ بيورينا إنو المعمودية كانت فريضة كنسية من البداية. ودا بيرجع بينا لأيام الكنيسة الأولى. في الكنيسة البدري، المعمودية كانت جزء مهم من عملية الخلاص (أعمال الرسل ٢: ٣٨، «توبوا وليعتمد كل واحد منكم») وكانت بتتم من خلال الاعتراف والصلاة «باسم يسوع المسيح» (أعمال الرسل ٢: ٣٨؛ ٨: ١٦؛ ١٠: ٤٨؛ ١٩: ٥). الغالب إنو كان في فترة فيها سؤال وجواب، الزول فيها بيعترف بإيمانهم ويكرس نفسو للمسيح. والنتيجة كانت إنو الزول بيتتم قبولو في جماعة العهد الجديد، ودا كان بيدل على غفران الخطايا (أعمال الرسل ٢: ٣٨؛ ٥: ٢٣؛ ١٠: ٤٣؛ ١٣: ٣٨؛ ٢٦: ١٨) وكمان على قبول الروح القدس (لوقا ٣: ١٦؛ أعمال الرسل ٢: ٣٨، ٤١؛ ٩: ١٧؛ ١٠: ٤٧، ٤٨؛ ١١: ١٦، ١٧؛ ١٩: ٥-٧). شوف كمان معمودية النار؛ معمودية يسوع؛ معمودية الروح القدس.

الفكر اللاهوتي عن المعمودية في رسائل بولس وبطرس

الكلام الجوهرى عند بولس عن المعمودية ينلقاه في غلاطية ٣: ٢٧: «اعتمدتم بالمسيح». الطقس دا عندو طبيعة مسيحية (كريستولوجية) في أصلو، لأنو بيرمز للاتحاد مع المسيح. ودا واضح أكثر في رومية ٦: ٣-٨، البتساوي بين المعمودية والموت والقيامة (راجع كولوسي ٢: ١٢، ١٣). وبرضو المعمودية مرتبطة بالروح القدس؛ في ١ كورنثوس ١٢: ١٣، بولس بيقول: «بِرُوحٍ وَاحِدٍ أَيْضًا اعْتَمَدْنَا» وكمان «سُقِينَا رُوحًا وَاحِدًا». ناس كتار بيشفوفوا المعمودية كأنها العلامة الظاهرة لـ «الختم» الداخلي بالروح القدس (٢ كورنثوس ١: ٢١، ٢٢؛ أفسس ١: ١٣؛ ٤: ٣٠). الكلام دا بيدلنا للبعد الأخروي (المرتبط بالنهاية) في المعمودية. من خلال علاقتها بعمل المسيح الحالي وعمل الروح القدس، المعمودية بتظهر كرمز خارجي لتدقق الخلاص في زمن الاكتمال، لأنها الطقس الأولي اللى بيدخل المؤمن في بركات العصر الجديد (تيطس ٣: ٥).

في كمان علاقة واضحة بين المعمودية ووعود العهد القديم. الرابط الأساسي بكون مع العهد الإبراهيمي، خصوصاً مع الختان البيمزي. في كولوسي ٢: ١١، ١٢، بولس جمع بين الختان في العهد القديم والمعمودية في العهد الجديد، وورانا إنو الاتنين بيرمزوا لعمل المسيح الفدائي. لكن اليوم في نقاش داير: هل المعمودية بتقوم بنفس الدور البكان بيقوم بيهو الختان؟ يعني هل هي علامة قضائية واحتسابية زي الختان؟ مهما كانت التفسيرات اللاهوتية، ما بنقدر نجبر بولس يقول الكلام دا حرفياً. في الحقيقة، بولس هنا بيستخدم صورة «ختان القلب»، وهي صورة موجودة في العهد القديم (تشية ١٠: ١٦؛ ٣٠: ٦؛ إرميا ٤: ٤؛ رومية ٢: ٢٨، ٢٩؛ فيلبي ٣: ٣). المؤمنون بعيشوا المعنى الحقيقي والفعل للختان كان بيرمز ليها زمان، ودا واقع روحي حقيقي وفعال.

المعمودية كمان مرتبطة بعهد الله مع نوح، زي ما ورد في ١ بطرس ٣: ٢١-١٩. لنجاة بتاعت نوح من خلال الموية هناك بتعتبر صورة أو رمز لنتائج المعمودية. في نقاش داير حول معنى عبارة: «الَّذِي مَتَّاهُ يُخَلِّصُنَا نَحْنُ الْآنَ، أَيْ الْمَعْمُودِيَّةُ». وفهم المعنى دا بيرتبط بالشرح الجا بعدو، اللي هو: «بَلْ سَوَّالُ ضَمِيرٍ صَالِحٍ عَنِ اللَّهِ». رغم إنو في نقاش أكبر بيدور حوالين النظرة «الافتراضية» (فرضية العهد) والمعدانية، لكن هنا حنكتفي ونقول ببساطة إنو تفسير العبارة ك «طلبة من الله من ضمير صالح» هو التفسير الأنسب. العبارة دي بتعكس صورة زول